

Merkatu plaza, 25 urtez ermuarren lagun

Ekainaren 26an, Ermuko Merkatu plazak 25 urte beteko ditu. Hainbat dira urte hauetan egondako aldaketak, bai eraikinean (1996an kanpotik margotu zen), zein erosleen ohituretan, eta datozen urteetan ere, bilakaeraren alde lan egingo dute dendariak. Helburua, gazteak merkatu plazara hurbil daitezen.

“Inauguratu nindutenean neu izan nintzen modernotasuna Ermura etortzearen erakusgarri”. Horrela hasten da Merkatu Plazako Dendari Elkarteak euren eraikinaren sorreraren 25. urteurrena ospatzeko prestatu duen idatzia. Dendariak diotenez, 1985. urtean Orbe Kardinalaren plazan zegoen merkatuak ez zituen garai horretarako gutxieneko baldintzak betetzen ezta zerbitzuak eskaintzen ere. Galera horiek betetzeko, Diputazio kaleko egungo merkatu plaza jaio zen.

“Eraiki zenean, plaza hau oso berritzaile eta modernoa zen, haize egokitua eta kalefakzioa zuen, esaterako, eta gainera oso koloretsua zen. Kanpoko lagunak bisitan etortzen zirenean harrিতuta geratzen ziren -diote Maite Moreno eta Maite Gorrotxategi dendariak-. Garaiko gai-

nontzeko merkatuak ohikoak ziren, postuek pertsiara erdia bakarrik izaten zuten, esaterako, eta honek ez zuen horrekin zerikusirik”.

Orbe Kardinalako plaza itxi eta desagertu egin zen, baina hala ere herritar askok horren oroitzapenak dituzte. Oroitzapen horiek gaur egungo dendariakin zerikusia dute, oraindik ere merkatu zaharretik etorritako dendariak geratzen direlako: Lazkano harategiko Milagros, Gerrikabeitia arrautzak eta urdaitegietako Manoli eta Eugenia, hain zuzen ere.

“Ermuan merkatura joateko ohitura handia zegoen eta Orbe Kardinalaren plazatik hona etorri ginenean, jendeak etortzen jarraitu zuen -diote dendariak-. Baina asko kostatzen zaigu gazteei heltzea. Hauek saltokigune handietara jotzen du-



1985. urtea

telako. Hemen denetarik aurkitu daiteke, kalitate-prezio erlazio ezin hobean, tratu pertsonalizatua...”. Hala ere, egunero erosketak plazan egiten dituzten nagusiei eskerrak eman nahi dizkiete eta eurengan pentsatzen, orain dela 3 urte, esaterako, igogailua ipini zen.

Aldaketak

Merkatu plazan 60 postu daude eta gaur egun horietako hainbat hutsik daude, beheko solairuan batez ere, *“horrek itxura txarra ematen du, baina halabeharrez gertatzen joan da. Udaleko*

lizentziak 1985ean eman ziren eta aurten bukatzen dira. Hori dela eta dendari batzuek merkatutik kanpo denda ipintzea erabaki dute. Beste batzuei, berriz, jubilatzekeo garaia heldu zaie”, diote.

Krisi garaia dela eta, udalarekin hitzarmena sinatu dute merkatariek eta honi esker 5 urtez luzatuko dituzte lizentziak. Epe hori agortutakoan lizentzien lehiaketa egingo da eta ustiatzeko emakidak negoziatu beharko dira berriro ere, 20, 25 edo 30 urtetarako.

Krisi garaia dela eta, bost urtez luzatu dira postuen lizentziak



FOTOKOPIAK
KOLOREZKO FOTOKOPIAK
HANDIPENAK - TXIKIPENAK
PLANOAK - AZALEZTAPENAK
FAX PUBLIKOA
INPRIMAKETAK KAMISETATAN

Komentukua, 6 behea 48260 ERMUA TEL. / FAX 943 17 42 89

943172665 ERMUA



Zubiaurre 20

*Pintxoak, otartekoak...
eta hostalarien umore ona*

“Begira zer dagoen barruan, sartu!”

Aurretik duten bidea ikusita, merkataritzari bultzada emateko hainbat aldaketa egingo dituzte merkatariek. Prozesua astiro doan arren, goiko postu batzuk beheko solairura bajatuko dira, beheko solairua beteta egon dadin eta jende nagusiari sarbidea errazteko berrirori ere. “*Behera bajatzeak diru kostu itzela du, horregatik, erretiroa gertu ikusten dutenek goiko solairuan geratzea erabaki dute*”, diote dendariak. Horretaz gain, fatxadetan lonak ipiniko dira (beheko argazkian ikus daitezke). “*Merkatu plaza porlanezko kuboa da, erakus-*

leiho barik - diote bi dendari hauek-, eta lona hauekin, dendak kalera aterako dira: Begira zer dagoen barruan, sartu!, esango dute lonek”.

Euren buruetan beste proiektu batzuk ere bazera-biltzaten, baina baztertu behar izan dituzte: “Muelletan janari-denda gunea egitea pentsatu genuen eta proiektua eskatu zen. Ikaragarri polita zen baina oso garestia eta alde batera laga behar izan dugu eta daukagunarekin jarraitu. Hala ere, ez gara hilko, gauza berriak egingo ditugu eta merkatu plazak aurrera jarraituko du”.

Dorleta Vidal



Mayte Moreno eta Maite Gorrotxategi, dendariak eta urteurrenaren antolatzaileak.

- Zenbat denbora daramazue 25 urteurrenerako ekimenak prestatzen?

Martxoan inguruan hasi ginen zer nahi genuen pentsatzen eta bi hilabetez, gutxi gora behera, horretan lanean egon gara: Ion Fizen erakusketa, ludoteka, nekazari-tza eta artisau-azoka...

- Zenbat lagunen artean prestatu dituzue ekintzak?

Batez ere gu biok ibili gara lanean eta beste bizpahiru laguntzaile izan ditugu.


- Dendari guztiek hartuko dute parte?

Merkatu Plazako Merkatarien Elkarteko kide ez diren

dendariak egitaraua aurkeztu diegu eta parte hartzerari animatzen ditugu. Egiten ari garen lana guztiontzat izango da eta ez bakarrik bazkide direnentzat, baina...

- Diru-laguntzarik jaso duzue?

Momentuz ez. Eusko Jaurlaritzako ‘Merkagune’ programaren diru-laguntzak eskatuko ditugu bukatutakoan eta Udalak diru-laguntza ematea aurreikusten dugu baita ere, baina oraindik ez dakigu ezer. Horregatik, beharrezkoa den dirua Merkatu Plazako Dendari Elkarteak aurrerratu du.



Etorkizunean

ARRIETA CORDEVI

Elektratresnak,
telebistak, bideoak,
musika aparatuak...

...prezio eta kalitate
ezin hobean.

VI. Centenario Kalea, 5 ERMUA

MUGA **KIKLOAK**

San Pelaio 4A behea
Telefonoa: 17 64 77
ERMUA

MALLABIKO Herriko taberna

Eguneko platera (3€), menua,
plater konbinatuak, bokatak,
pintxoak, kazolak...

Bazkari eta afariak
parrillan (enkarguz):
txuleta arraina...

Enkarguak:
943 174 952

(astartetan itxita)



AKADEMIA
ERMUA INFORMATIKA

TRESNERIA ETA OSAGAI
INFORMATIKOEN SALMENTA

Goienkale kalea z/g
Telefonoa (943) 17 90 38

ELUR
ESTETIKA-EDERGINTZA

- Depilazioa
- Elektrologia
- Gorputz eta Aurpegiarako tratamenduak
- Masajeak
- Pedikura
- Manikura (parafinarekin)
- Solariuma
- Laser depilazioan espezializatuak
- Kontsulta mediko-estetikoa

Aldapa 1 **943 17 60 52**

IZOTZ
KONIELATUAK

Ermuko Merkatua
54 eta 55 postuak
943 17 41 01
Arrasateko Merkatua
943 77 05 98